

KRITERIJI ZA PRIJEM UČENIKA U PRVI RAZRED SREDNJIH ŠKOLA KANTONA SARAJEVO

OPĆE ODREDBE

Član 1.

Pravo upisa u prvi razred srednjih škola imaju učenici sa završenom osnovnom školom, koji nisu stariji od 18 godina, odnosno koji do kraja tekuće kalendarske godine ne navršavaju više od 18 godina života.

U prvi razred specijalne srednje škole, odnosno specijalna odjeljenja srednje škole, pravo upisa imaju učenici koji nisu stariji od 20 godina, odnosno učenici koji do kraja tekuće kalendarske godine ne navršavaju više od 20 godina života.

Član 2.

U prvi razred srednjih škola učenici se upisuju u skladu sa Planom upisa učenika koji na prijedlog Ministarstva obrazovanja i nauke donosi Vlada Kantona Sarajevo.

Upis učenika provodi posebna komisija koju imenuje Školski odbor škole.

Rang listu svih kandidata i spisak primljenih učenika, škole su dužne objaviti na oglasnoj ploči nakon što je verifikuje Školski odbor škole i to za škole u kojima je predviđeno polaganje prijemnog ispita najkasnije tri dana od posljednjeg dana polaganja prijemnog ispita, a za ostale škole najkasnije tri dana od dana zatvaranja konkursa.

Član 3.

Prijem-upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljane i lica bez državljanstva u skladu sa Zakona o srednjem obrazovanju.

Član 4.

Izbor kandidata vrši se na osnovu ovih kriterija koji su obavezno sastavni dio Konkursa za upis učenika u prvi razred srednjih škola.

Konkurs za upis učenika u prvi razred srednjih škola objavljuje se putem medija, najmanje dva mjeseca prije početka školske godine.

U slučaju da u konkursnom roku iz prethodnog stava neke škole ne popune planirana mjesta, raspisuje se **naknadni** konkurs, najmanje 15 dana prije početka školske godine.

Član 5.

Kandidati koji konkurišu u gimnazije, tehničke i srodne škole i umjetničke škole **polažu** prijemni ispit.

Kandidati koji konkurišu u srednje stručne škole **ne polažu** prijemni ispit.

Detaljne informacije o mjestu i vremenu predaje dokumenata, mjestu i satnici polaganja prijemnog ispita objavljuju se na oglasnoj tabli svake škole.

Član 6.

Kandidatima koji u prvom ispitnom roku polože prijemni ispit u nekoj školi, a zbog planom ograničenog broja učenika ne budu primljeni u školu u koju su konkurisali, škola izdaje odgovarajuću potvrdu koja sadrži broj osvojenih bodova po predmetima na prijemnom ispitu.

Ovi kandidati imaju pravo konkurisati u školu koja nije primila dovoljan broj kandidata, a u kojoj se polagao isti prijemni ispit najkasnije pet dana od okončanja prijemnog ispita.

Škole iz stava 2. ovog člana dužne su da u roku od tri dana, nakon isteka roka iz prethodnog stava, pored liste primljenih kandidata iz člana 2. ovih kriterija, objave i listu naknadno primljenih učenika.

Član 7.

Pravo konkurisanja i polaganja prijemnog ispita u naknadnom upisnom roku imaju svi učenici koji konkurišu prvi put za upis u srednju školu, kao i učenici koji su konkurisali u prvom konkursnom roku, a nisu položili prijemni ispit.

Kandidatima koji su položili neke od predmeta koji se polažu na prijemnom ispitu, priznaju se položeni predmeti u skladu s ovim kriterijima. Ovi kandidati, uz prilaganje odgovarajuće potvrde iz škole u kojoj su polagali te predmete, u naknadnom konkursnom roku polažu samo predmete koje u prvom konkursnom roku nisu položili.

Pravo konkurisanja bez obaveze polaganja prijemnog ispita u naknadnom konkursnom roku imaju i učenici koji su položili prijemni ispit u prvom ispitnom roku uz prilaganje odgovarajuće potvrde.

Član 8.

Za prijavu na konkurs za upis u prvi razred srednje škole kandidat je dužan predati slijedeća dokumenta:

- zahtjev za upis,
- svjedodžbu o završenom VIII razredu osnovne škole (original),
- uvjerenje o uspjehu u V, VI i VII razredu osnovne škole,
- izvod iz matične knjige rođenih i
- druga dokumenta relevantna za utvrđivanje broja bodova po kriterijima.

POSEBNE ODREDBE

Član 9.

Prijem učenika u **gimnazije, tehničke i srodne škole i umjetničke škole** vrši se na osnovu:

- **općeg uspjeha kandidata postignutog u V, VI, VII i VIII razredu osnovne škole,**
- rezultata postignutog na prijemnom ispitu za odgovarajuću školu i
- rezultata postignutih na kantonalnim, Federalnim, BiH i međunarodnim takmičenjima.
-

Član 10.

Za kandidate koji konkurišu u **gimnazije, tehničke i srodne škole**, ukupan broj bodova se utvrđuje tako da se rezultat prijemnog ispita boduje sa maksimalno 30 bodova, a

opći uspjeh u V, VI, VII i VIII razredu osnovne škole sa maksimalno 70 bodova (zbir prosječnih ocjena svedenih na dvije decimale u V, VI, VII i VIII razredu osnovne škole se pomnoži sa brojem 3,5).

Član 11.

Prijemni ispit sadrži provjeru znanja iz određenih predmeta i boduje se po vrstama škola kako slijedi:

VRSTA ŠKOLE	Provjera znanja iz predmeta	maksimalan broj bodova
GIMNAZIJA*, EKONOMSKA ŠKOLA	Bosanski/Hrvatski/Srpski jezik	10
	Matematika	10
	Strani jezik	10
	UKUPNO	30
MEDICINSKA, ZUBOTEHNIČKA, VETERINARSKA, POLJOPRIVREDNA, ŠUMARSKA, KOŽARSKA	Bosanski/Hrvatski/Srpski jezik	10
	Hemija	10
	Biologija	10
	UKUPNO	30
TEKSTILNA TEHNIČKA	Bosanski/Hrvatski/Srpski jezik	10
	Hemija	10
	Matematika	10
	UKUPNO	30
UGOSTITELJSKO-TURISTIČKA (Ugostiteljsko-turistički tehničar)	Bosanski/Hrvatski/Srpski jezik	10
	Geografija	10
	Strani jezik	10
	UKUPNO	30
TRGOVAČKA (Aranžer)	Bosanski/Hrvatski/Srpski jezik	10
	Likovna umjetnost	10
	Strani jezik	10
	UKUPNO	30
OSTALE TEHNIČKE ŠKOLE	Bosanski/Hrvatski/Srpski jezik	10
	Matematika	10
	Fizika	10
	UKUPNO	30

* Pored prijemnog ispita kandidati za sportsko izbornu područje, koji se opredjeljuju već u I razredu, polažu test fizičke sposobnosti koji je eliminatoran

Prijemni ispit je eliminatoran.

Smatra se da je učenik položio prijemni ispit ako je iz sva tri predmeta osvojio ukupno najmanje 16 bodova s tim da iz svakog pojedinačnog predmeta postigne najmanje 5 bodova.

Član 12.

Kandidat koji konkuriše za upis u **umjetničke škole** polaže prijemni ispit. Praktičan rad na prijemnom ispitu je eliminatoran.

Program polaganja prijemnog ispita u umjetničkoj školi, način bodovanja i druge relevantne podatke i obavještenja objavljuju se na oglasnoj ploči škole, stim da je pored sadržaja stručnog dijela ispita kojeg utvrđuje škola svojim aktom, obavezno polaganje

prijemnog isita iz bosanskog/hrvatskog/srpskog jezika koji se boduje kao i kod drugi srednjih škola sa 10 bodova.

Član 13.

Prijem učenika u **stručne škole** vršit će se na osnovu:

- općeg uspjeha kandidata postignutog u V, VI, VII i VIII razredu osnovne škole,
- uspjeha iz predmeta značajnih za upis u određenu školu (struku) u VII i VIII razredu osnovne škole i
- rezultata postignutih na kantonalnim, Federalnim, BiH i međunarodnim takmičenjima.

Član 14.

Za kandidate koji konkurišu u **stručne škole** ukupan broj bodova se utvrđuje tako da se rezultati općeg uspjeha u V, VI, VII i VIII razredu osnovne škole boduju sa maksimalno 80 bodova (zbir prosječnih ocjena svedenih na jednu decimalu u V, VI, VII i VIII razredu osnovne škole se pomnoži sa brojem 4), a rezultati uspjeha iz predmeta značajnih za struku sa maksimalno 20 bodova (saberu se ocjene uspjeha iz dva predmeta značajna za struku postignute u VII i VIII razredu osnovne škole).

Član 15.

Predmeti značajni za zanimanja u okviru određene struke koji se boduju pri upisu u stručne škole utvrđeni su kako slijedi:

STRUČNA ŠKOLA – STRUKA	N A Z I V P R E D M E T A	
Mašinska	Matematika	Fizika
Elektrotehnička	Matematika	Fizika
Drvoprerađivačka	Matematika	Fizika
Šumarska	Biologija	Hemija
Poljoprivredna	Biologija	Hemija
Prehrambena	Biologija	Hemija
Veterinarska	Biologija	Hemija
Trgovinska	Bosanski/Hrvatski/Srpski jezik	Strani jezik
Ugostiteljska	Bosanski/Hrvatski/Srpski jezik	Strani jezik
Turistička	Bosanski/Hrvatski/Srpski jezik	Strani jezik
Hemijska	Hemija	Fizika
Tehnološka	Hemija	Fizika
Metalurška	Hemija	Fizika
Kožarska	Hemija	Fizika
Tekstilna	Hemija	Fizika
Rudarska	Hemija	Fizika
Geološka	Hemija	Fizika
Građevinska	Matematika	Fizika
Saobraćajna	Matematika	Fizika
Željeznička	Matematika	Fizika
Uslužne djelatnosti	Bosanski jezik	Hemija

Član 16.

Za jedno od osvojenih mjesta na kantonalnom takmičenju učenika osnovnih škola dobije se slijedeći broj bodova:

- za osvojeno prvo mjesto 3 boda,
- za osvojeno drugo mjesto 2 boda i
- za osvojeno treće mjesto 1 bod.

Za jedno od osvojenih mjesta na takmičenju učenika osnovnih škola na nivou Federacije BiH i BiH dobije se slijedeći broj bodova:

- za osvojeno prvo mjesto 4 boda,
- za osvojeno drugo mjesto 3 boda i
- za osvojeno treće mjesto 2 boda.

Za jedno od osvojenih mjesta na međunarodnom takmičenju učenika osnovnih škola dobije se slijedeći broj bodova:

- za osvojeno prvo mjesto 5 bodova,
- za osvojeno drugo mjesto 4 boda i
- za osvojeno treće mjesto 3 boda.

Ukupan broj bodova koje učenik dobije po osnovu takmičenja iz ovog člana ne može preći 10 bodova, s tim da se boduju samo takmičenja koja su zvanično organizovana na nivou Kantona, Federacije BiH, BiH i to iz predmeta matematika, fizika, informatika, strani jezik, geografija, a za umjetničke škole i takmičenja iz okvira te struke. U tehničkim školama, pored navedenog boduju se i rezultati u okviru takmičenja pod nazivom "Smotra tehničkog stvaralaštva" koje je organizovalo Ministarstvo.

Član 17.

Kandidat koji je u osnovnoj školi Kantona Sarajevo iz koje dolazi, proglašen učenikom generacije ne podliježe Kriterijima za prijem i upisuje se u željenu srednju školu bez polaganja prijemnog ispita, odnosno bodovanja po ovim Kriterijima.

Na kandidate iz drugih kantona koji su proglašeni učenikom generacije po kriterijima koji korespondiraju Kriterijima za izbor učenika generacije Kantona Sarajevo, tj. po kriterijima na osnovu kojih se bira samo jedan učenik generacije škole, a koje je donijelo nadležno ministarstvo, primjenjuje se stav 1. ovog člana.

Član 18.

Za svakog kandidata koji konkuriše za prijem u prvi razred srednje škole utvrđuje se broj bodova po osnovu rezultata navedenih u članu 10., 11., 13., 15 i 16. ovih kriterija.

Za upis u gimnaziju učenik po svim osnovama mora imati minimalno 70 bodova.

Za upis u ekonomsku školu, škole zdravstvene i ugostiteljsko turističke struke učenik po svim osnovama mora imati minimalno 65 bodova.

Za upis u ostale škole u kojima se polaže prijemni ispit učenik po svim osnovama mora imati minimalno 60 bodova.

Član 19.

Ako je učenik završio osnovnu školu u inozemstvu i ako nema predmeta u VII i VIII razredu koji se boduju kao predmeti značajni za struku pri upisu u prvi razred,

onda se umjesto ocjena iz tog predmeta uzima prosječna ocjena iz svih predmeta tog razreda (aritmetička sredina).

Pod jednakim uslovima iz ovih kriterija, prednost imaju:

- djeca boraca-branitelja BiH;
- djeca ratnih vojnih invalida;
- djeca šehida i poginulih i nestalih boraca-branitelja i umrlih ratnih vojnih invalida;
- djeca organizatora otpora;
- djeca veterana-prvoboraca
- djeca nosilaca najviših ratnih priznanja.

(Čl. 1., 2., 5. i 23. Zakona o dopunskim pravima-branitelja BiH ("Sl. novine Kantona Sarajevo" broj 2/02))

("Službene novine Kantona Sarajevo", broj 12/00)

e-mail: monks@ks.gov.ba, www.monks.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1